



Vicecampiuns grischuns: Ils tshintg tiradurs da Sedrun-Tujetsch cun lur coach: Eugen Degonda, Simon Beer, Aluis Cavegn, Pius Degonda, Marc Berther e Toni Giossi (da san.).



La grupp da Favugn cun il tiradur sursilvan: Georg Maurer, Barcli Venzin, Lars Färber, Arno Theus e Peter Färber (da san.).



Il quintet da la Val Alvra: Flavio Gruber, Urs Brazerol, Renato Gruber, Claudio Brazerol e Benno Gruber (da san.).



In tiradur sursilvan fa bilantscha da ses resultat cun ina mattha ch'ha tegni ils poleschs per el.



Per ina giada nagin plaz da podest per Elmar Fallet, il megljer tiradur da pistola dal Grischun.



Sisum il podest: Ils tiradurs da Versomi Hans Stucki, Ludwig Bandli, Walter Stucki, Martin Brunner e Hans Luzi Stucki (da san.).

# Intginas surpraisas en il final

Cuira: Final chantunal tir da gruppas

DA GION NUTEGN STGIER / ANR

■ Al final grischun dal tir da gruppas n'ha nagina da las 70 gruppas defendi il titel gudagnà avant in onn. Sin la distanza da 300 meters èn Favugn, Givaulta e Versomi ils victurs. L'unica grupp sursilvana ch'è stada sin il podest è quella da Sedrun-Tujetsch en la categoria cun l'arma da sport. Ina giada dapli en las relaziuns da sajettar stadas pretensiusas al stan da tir Rossboden a Cuira. Cun paucas excepziuns è lura er vegnì tratg sonda passada pli schlet che anc tar il final 2018. Adina puspè sa midava la glisch e vitiers era anc in pulit vent. Uschia èn las relaziuns stadas tut auter ch'optimalas. Da menziunar è er che da sajettar al stan da tir Rossboden è lura er ina gronda differenza envers las duas prerundas che vegnan tratgas en il stan da chasa.

## Segund plaz per Sedrun-Tujetsch

Favorit en la categoria A, quella cun l'arma da sport, era Haldenstein. Quella grupp aveva gudagnà il final avant in onn. Quest onn han ils tshintg tiradurs da Haldenstein gi dapli concurrenza cun cuntanscher «be» il terz post. Concurrenza ha il campiun grischun 2018 survegni da Favugn e lura er da la grupp da Sedrun-Tujetsch. Quell'aveva gudagnà las duas rundas da qualificaziun, bain sa-

vend che a Cuira tar il final cumenza tut da nov. Favugn ha dominà il final e vegnì nov campiun grischun en il champ A. Il quintet da Sedrun-Tujetsch ha terminà il final cun d'averter segund, per ils Tuatschins segir in bel success. Persvas han lura er las gruppas da Laax-Falera, Ruschein, Castrisch e da l'Alvra.

## Degen la meglra grupp sursilvana

Cun l'arma da militar 57/03 eran las gruppas da Givaulta e Tumeagl (ils davos quatter onns campiun) las favoritas per gudagnar il final. La fin finala han lura be dus puncts decidi a favur da Givaulta. Quella grupp ha cunzunt en l'emprima runda tratg cun 713 puncts in resultat da vaglia er ord vista svizra. Cumpletà il podest ha qua Bregaglia, il campiun grischun 2014. Degen è cun il plaz 5 la meglra grupp sursilvana en quel champ. Sent, Ruschein ed Alvra èn er sa qualificgads per l'emprima runda naziunala che cumenza l'emna proxima

## Surpraisa che Versomi ha gudagnà

La pli gronda surpraisa è lura succedida en il champ E, armas da militar senza la buis 57/03. Na ils favorits Monstein e Castrisch èn stads il pli sisum il podest, mabain ils tshintg tiradurs da Versomi. Fatg han els sco Monstein er 1358 puncts, dentant gi ina meglra segunda runda che la grupp da Monstein. In'ul-

teriura surpraisa è bain il terz plaz dal team dad Aschera. La grupp da Riein-Sevgein ha manchentà da vegnir sin il podest be per tshintg puncts. Castrisch, il victur 2017 e 2018, è «be» vegnì 5avel, resta tuttina il favorit per las trais rundas svizras e per far il zap en il final svizzer a Turitg. Tratg bain han però er ils umens da Duin, sco gia avant in onn.

## Champ A, 300 meters, armas da sport

1. Favugn I, 1910 puncts, 2. Sedrun-Tujetsch 1900, 3. Haldenstein I, 1897, 4. Haldenstein II, 1892, 5. Laax-Falera, 1889, 6. Alvra, 1888, 7. Ruschein, 1879, 8. Cuira, 1869, 9. Castrisch, 1868, 10. Haldenstein III, 1860, 11. Tavau, 1859, 12. Favugn II, 1857, 13. Puntraschna, 1855.

## Champ D, 300 meters, armas d'ordonnaanza/arma 57/03

1. Givaulta I, 1418 puncts, 2. Tumeagl, 1416, 3. Bregaglia II, 1381, 4. Bregaglia I, 1379, 5. Degen, 1373, 6. Alvra, 1367, 7. Givaulta II, 1365, 8. Sent, 1363, 9. Aschera, 1345, 10. Ruschein, 1331.

## Champ E, 300 meters, armas d'ordonnaanza senza arma 57/03

1. Versomi, 1358 puncts, 2. Monstein, 1358, 3. Aschera IV, 1355, 4. Riein-Sevgein, 1350, 5. Castrisch, 1341, 6. Samignun, 1334, 7. Aschera III, 1334, 8. Duin, 1332, 9. Tumeleasta, 1331, 10. Tumeagl, 1327, 11. Tavau, 1324.

(Quellas gruppas èn qualificgads per l'emprima runda naziunala da total trais rundas).

## Pistola 50 meters

1. Poschivo, 724 puncts, 2. Razén, 718, 3. Cuvlignas, 718, 4. Cuira, 718, 5. Eigias-Landquart 712.

## Pistola 25 meters

1. Cuira, 1110 puncts, 2. Cuvlignas, 1073, 3. Eigias-Landquart, 1018, 4. Müstair, 1010, 5. Cuira UOV, 983.



La grupp da pistolas da Cuira e quella da 300 meters da Givaulta cun la presidenta dal cussegl grond: Urs Solèr, Sofie Lehmann, Zora Radosavljevic, Stephan Lehmann, Tina Gartmann-Albin, Dirk Frischknecht, Mauro Ardüser, Kevin Plaz, Carl Frischknecht e Franz Josef Plaz (da san.).